

DATA	08/07/2010
Nº	1262

1024 RBF/mcm

RESOLUCIÓN

Unha vez que se examinou o expediente tramitado para a contratación da execución da obra incluída no Fondo Estatal para el Empleo y la Sotenibilidad Local denominada "Dotación de servicios y mejora de la accesibilidad en el Rueiro y Souto en Vilaboa", a adxudicar mediante procedemento aberto con multiplicidade de criterios de valoración.

ANTECEDENTES

1. O 15 de xuño de 2010, mediante a resolución nº 1070, a concelleira delegada de Economía, Facenda, Réxime Interior e Seguridade procedeu á adxudicación provisional á UTE FERGO GALICIA,S.A.-PROYECTA, S.L., CIF U-70256946, e o día 22 de xuño de 2010 procedeuse á súa publicación no perfil de contratante do órgano de contratación.

A Secretaria Xeral do Concello emitiu sobre a mesma a nota informativa 21/2010, que consta no expediente.

2. No prazo que se estableceu, a empresa acreditou estar ao corrente no cumprimento das súas obrigas tributarias e coa Seguridade Social, o xustificante de estar dado de alta no Imposto sobre Actividades Económicas e ao corrente no pagamento do mesmo, escritura de constitución da UTE así como o documento acreditativo de ter constituído a garantía definitiva por importe do 5% do importe de adxudicación, excluído o Imposto sobre o Valor Engadido.

3. En data 7 de xullo de 2010, polo xefe de servizo de economía e facenda formúlase proposta de Resolución, fiscalizada pola Intervención Municipal.

4. En data 8 de xullo de 2010, pola secretaria xeral do concello emítese nota informativa de secretaría 36/2010 na que, en atención ao exposto na mesma, entre outras cousas, infórmase desfavorablemente a adxudicación definitiva do contrato de execución da obra e a adxudicación como contrato menor do contrato de dirección de obras.

CONSIDERACIÓNS XURÍDICAS

1.O artigo 144 da lei 30/2007, pola que se aproba a lei de contratos do sector público (en adiante, LCSP), establece que no procedemento aberto con multiplicidade de criterios de valoración, a adxudicación recaerá no licitador xustificadamente elixido polo órgano de contratación, unha vez ponderados polo Comité de Expertos os criterios de selección establecidos no PCAP.

2. O artigo 135.4 LCSP establece que a adxudicación provisional deberá elevarse a definitiva dentro dos dez días hábiles seguintes a aquel en que expire o prazo de dez días hábiles contados desde o seguinte a aquel en que a adxudicación provisional se publique no perfil de contratante do órgano de contratación, sempre que o adxudicatario presentara a documentación sinalada e constituíra a garantía definitiva.

3. Respecto ao importe de adxudicación, o artigo 79 da lei 26/2009, de Orzamentos Xerais do Estado, modifica dende o 1 de xullo de 2010 o apartado un do artigo 90 da lei 37/1992, do imposto sobre o valor engadido, determinando que se esixirá ao tipo do 18 por cento. Por tanto, aínda que o expediente de contratación foi tramitado cun IVE do 16%, ao realizarse a adxudicación con posterioridade ao 1 de xullo de 2010, o importe de adxudicación estará constituído polo prezo ofertado máis o 18% en concepto de IVE.

DATA	08/07/2010
Nº	1262

En base ao exposto e dacordo coa proposta do xefe do servizo de economía e facenda de data 7 de xullo de 2010

RESOLVO:

PRIMEIRO.- Declarar a validez do acto celebrado e adxudicar definitivamente a obra "Dotación de servicios y mejora de la accesibilidad en el Ruevo y Souto en Vilaboa" á UTE FERGO GALICIA,S.A.-PROYECTA, S.L., CIF U-70256946, por ser a que presenta unha mellor oferta considerando criterios de adxudicación establecidos, fixando o prezo en 532.524,31€, IVE engadido (451.291,79 euros máis o 18% de IVE, 81.232,52euros), e o prazo de execución en 82 días naturais. O número de persoas a ocupar será de 35 (en equivalente a tempo completo, 35), das que 29 serán de nova contratación e 6 xa están integradas na empresa. (Documento A 201000003826)

SEGUNDO.- Requirit ao adxudicatario para que, dentro do prazo de 10 días hábiles contados desde o seguinte á recepción da notificación deste acordo compareza para a firma do contrato.

TERCEIRO.- De conformidade co disposto polo artigo 137.1 LCSP, notificar a presente resolución aos licitadores e publicar a adxudicación definitiva no perfil de contratante do órgano de Contratación.

CUARTO.- Nomear directora das obras e coordinadora de Seguridade e Saúde a Dna. Valle García González, arquitecta colexiada co número COAG 3643.

QUINTO.- Dar conta da presente resolución á Intervención municipal.

Contra a presente resolución, que pon fin á vía administrativa poderá interpoñerse recurso potestativo de reposición ante a Alcaldía-Presidencia, no prazo dun mes a contar desde o día seguinte ao da notificación do presente acto, ao abeiro do establecido no artigo 117.1 da Lei 30/1992, de 26 de novembro; ou ben, directamente, recurso contencioso-administrativo ante o Xulgado do Contencioso-Administrativo da Coruña que corresponda, no prazo de dous meses, desde o día seguinte ao da recepción da presente notificación, de acordo co establecido nos artigos 8.1 e 46.1 da Lei 29/1998, de 13 de xullo.

Non poderá interpoñerse recurso contencioso-administrativo, se se interpuxera o potestativo de reposición, en tanto non se resolva expresamente ou se produza a desestimación presunta do mesmo polo transcurso do prazo dun mes desde a súa interposición, de acordo co establecido no artigo 117.2 da Lei 30/1992, de 26 de novembro.

Neste caso, o prazo para a interposición do recurso contencioso-administrativo será de dous meses desde a resolución expresa do recurso, a contar desde o día seguinte ao da notificación do mesmo; ou ben, seis meses, a contar desde o día seguinte en que deba entenderse desestimado por silencio administrativo o citado recurso potestativo de reposición.

En todo caso, poderá interpoñer calquera outro recurso que estime conveniente para a defensa dos seus intereses.

Culleredo, 8 de xullo de 2010
Culleredo,
A concelleira delegada de economía,
facenda, réxime interior e seguridade

Dou fe,
A secretaria xeral

Alicia Ferreiro Varela
(Resolución nº 1210/07 de data 2 de xullo de 2007; BOP nº176,
de 1/8/2007)

Pilar Mª Pastor Novo